



## გ ა ნ ჩ ი ნ ე ბ ა (საქართველოს სახელით)

20 აპრილი, 2011 წელი

ქ. თბილისი

თბილისის სააპელაციო სასამართლოს  
ადმინისტრაციულ საქმეთა პალატა

მოსამართლე – მანანა ჩოხელი

აპელანტი (მოსარჩელე) – ბმა „პარტიზანი-2008”

მოწინააღმდეგებ მხარე (მოპასუხე) – სსიპ საჯარო რეესტრის ეროვნული სააგენტო  
მოწინააღმდეგებ მხარე (მოპასუხე) – სსიპ საჯარო რეესტრის ეროვნული სააგენტოს  
თბილისის სარეგისტრაციო სამსახური

მესამე პირი – ზაირა ფარქოსაძე

დავის საგანი – ინდივიდუალური ადმინისტრაციულ-სამართლებრივი აქტის ბათილად  
ცნობა

გასაჩივრებული გადაწყვეტილება – თბილისის საქალაქო სასამართლოს  
ადმინისტრაციულ საქმეთა კოლეგიის 2010 წლის 28 დეკემბრის გადაწყვეტილება

აპელანტის მოთხოვნა – გადაწყვეტილების გაუქმება და ახალი გადაწყვეტილების  
მიღებით სარჩელის დაკმაყოფილება

ზეპირი მოსმენის გარეშე განიხილა სასამართლო შეტყობინების საჯაროდ  
გავრცელების საკითხი და

### გ ა მ თ ა რ კ გ ი ა :

დადგენილია, რომ 2011 წლის 31 მარტის სხდომაზე თბილისის სააპელაციო  
სასამართლოში მესამე პირი - ზაირა ფარქოსაძე არ გამოცხადდა, რომლისთვისაც  
სასამართლო სხდომის დღე ცნობილი იყო საჯარო შეტყობინების მეშვეობით. ამავე  
სხდომაზე დაკმაყოფილდა საქმეში მონაწილე მოწინააღმდეგებ მხარის – სსიპ საჯარო  
რეესტრის ეროვნული სააგენტოს წარმომადგენლის შუადგომლობა სხდომის  
გადადების შესახებ და საქმის განხილვა გადაიდო 2011 წლის 11 მაისს 14:00 საოთხე.

იქედან გამომდინარე, რომ სასამართლო სხდომაზე არ გამოცხადდა მესამე პირი -  
ზაირა ფარქოსაძე, სააპელაციო პალატა მიიჩნევს, რომ მისთვის სასამართლო  
სხდომის დღე ცნობილი უნდა გახდეს სასამართლო შეტყობინების საჯაროდ  
გავრცელების საშუალებით.

საქართველოს ადმინისტრაციული საპროცესო კოდექსის პირველი მუხლის მე-2  
ნაწილის თანახმად, თუ ამ კოდექსით სხვა რამ არ არის დადგენილი  
ადმინისტრაციულ სამართალწარმოებაში გამოიყენება სამოქალაქო საპროცესო  
კოდექსის დებულებანი.

საქართველოს სამოქალაქო საპროცესო კოდექსის 78.1-ე მუხლის თანახმად, თუ  
მხარის ადგილსამყოფელი უცნობია ან მისთვის სასამართლო უწყების ჩაბარება  
სხვაგვარად ვერ ხერხდება, სასამართლო უფლებამოსილია გამოიტანოს განჩინება

სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით, ან დაინტერესებული მხარის მოთხოვნის შემთხვევაში, მისივე ხარჯებით იმ გაზეთში, რომელიც მასობროვადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

თბილისის სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დანაწესი, რის შედეგადაც მიიჩნევს, რომ მართლზომიერია საქმეში მონაწილე მესამე პირს სასამართლო სხდომის დღის შესახებ ეცნობოთ სასამართლოს ვებგვერდზე განთავსებით.

ზემოაღნიშნულის თანახმად, თბილისის სააპელაციო სასამართლოს ადმინისტრაციულ საქმეთა პალატას საქართველოს სამოქალაქო საპროცესო კოდექსის მე-200.1 მუხლის საფუძველზე, საქმის მომზადების მიზნიდან გამომდინარე, როთაც უნდა მოხდეს ერთ სასამართლო სხდომაზე საქმის დამთავრება და საქმის განხილვის უსაფუძვლო გაჭიანურების თავიდან აცილება, მართლზომიერად მიიჩნევს, მესამე პირის გაფრთხილებას სასამართლო სხდომის დღის შესახებ საჯარო შეტყობინების საშუალებით.

სააპელაციო პალატამ იხელმძღვანელა საქართველოს ადმინისტრაციული საპროცესო კოდექსის პირველი, საქართველოს სამოქალაქო საპროცესო კოდექსის 372-ე, 78-ე, მე-200 და 284-285-ე მუხლებით და

#### დ ა ბ დ გ ი ნ ა:

1. ზაირა ფარქოსაძეს სასამართლო შეტყობინების საჯაროდ გავრცელების საშუალებით ეცნობოს, რომ ბმა „პარტიზანი-2008“-ს სააპელაციო საჩივრის განხილვა თბილისის საქალაქო სასამართლოს ადმინისტრაციულ საქმეთა კოლეგის 2010 წლის 28 დეკემბრის გადაწყვეტილებაზე დანიშნულია თბილისის სააპელაციო სასამართლოში 2011 წლის 11 მაისს 14:00 საათზე, მისამართი - თბილისი, გრ. რობაქიძის გამზ. №7ა, სხდომის დარბაზი №14;
2. ზაირა ფარქოსაძეს ეცნობოს, რომ იგი დაბარებულია სასამართლოს მთავარ სხდომაზე საქმეში მესამე პირის სახით მონაწილეობის მისაღებად;
3. სასამართლო შეტყობინება განთავსდეს თბილისის სააპელაციო სასამართლოს ვებგვერდზე ([www.tbappeal.court.gov.ge](http://www.tbappeal.court.gov.ge));
4. განჩინება არ გასაჩივრდება.

მოსამართლე

მანანა ჩოხელი